



**QEQQATA KOMMUNIA**

**Ilinniartitaanermut immikkoortortaq**

**Området for Uddannelse**

**Kommunep suliffeqarfiutaasa,  
atuarfeqarfiutaasa inuusuttunullu  
Klubbiutaasa imaluunniit timer-  
soqatigiiffiit aallaarsimaarnerini  
Isumannaallisaanikkut malittarisassat  
tamanut atuuttut**



# QEQQATA KOMMUNIA

Ilinniartitaanermut immikkoortortaq

Området for Uddannelse

---

## **Kommunep suliffeqarfiissa, atuarfeqarfiisa inuusuttullu klubbiisa imaluunniit timersoqatigiiffiit aallaarsimaarnerini isumannaallisaanikut**

### **malittarisassat tamanut atuuttut tulliuuttut imarai:**

§ 1 Angajoqqaatut oqartussaassuseqartup/angajoqqaat sinnerlugit sernissuisup peqataanissamut akuersissutaa

§ 2. Assartuineq

§ 3. Aallaarsimaarfimmi angallatinik, umiatsiaaqqanik annanniutinillu atuineq

§ 4. Aallaasit imassallu

§ 5. Piniarneq aalisarnerlu

§ 6. Saviit

§ 7. Ikueqqaarneq ikuallattumillu qatserineq

§ 8. Ikummatissat ikumatitsinerillu

§ 9. Ataatsimoorluni sinittarfiit

§ 10. Attaveqaatinik atuineq

§ 11. Allat

§ 12. Unioqquitsineq



# QEQQATA KOMMUNIA

Ilinniartitaanermut immikkoortortaq

Området for Uddannelse

---

## **§ 1. Angajoqqaatut oqartussaassuseqartup/angajoqqaat sinnerlugit sernissuisup peqataanissamut akuersissutaa**

Aallaarsimaarnermut peqataasussat tamarmik angajoqqaatut oqartussaassuseqartumit/ angajoqqaat sinnerlugit sernissuisumit allakkatigut akuerineqarsimassapput.

## **§ 2. Assartuineq**

Angallammik assartuussineq Sisimiut/Maniitsumiit (nunaqarfimmiit) aallaarsimaffissamut utimullu angallatit P-tut akuerisat atorlugit pisassaaq.

Imm. 2

Ajutoornermik, ajunaarnermik, ajornartorsiulernermilluunniit pisoqartillugu angallat/ umiatsiaaraq P-tut akuerisaanngitsoq aallaarsimaarfiup Sisimiullu/Maniitsorllu (nunaqarfimmiit) akornanni assartuussissutitut politiit akuersisinnegareernerisigut atorineqarsinnaavoq. Politiit aallarnissaq sioqqullugu kalerrinneqassapput, tamatigullu tulluuttut paasissutissiissutigineqartassallutik:

- Angallammut ilaasut qassiuneri.
- Angallat/umiatsiaarat atorineqartoq qanoq ittuunersoq.
- Tikiffissatut naatsorsuutigisaq.

Imm. 3

Assaqtutami/Ikkamiumi ajutoornermik, ajunaarnermik ajornartorsiulernermilluunniit pisoqartillugu helikopter-ip miffissaa koordinat XX-imiippoq.

Imm. 4

Helikopter-ip miffissaata eqqaani atortunik allanilluunniit ajoqutaasinnaasunik inissimasoqassanngilaq.



# QEQQATA KOMMUNIA

Ilinniartitaanermut immikkoortortaq

Området for Uddannelse

## § 3. Aallaarsimaarfimmi angallatinik, umiatsiaaqqanik annanniutinillu atuneq

Angallammik umiatsiaaqqamilluunniit avalatsigani angallammi umiatsiaaqqamilluunniit atortut tamarmik pissusissamisoornissaat aallaarsimaarfimmi pisortap isumagissavaa. Nakkutilliinermut allassimaffik atuarneqassaaq, angalaarniarnermut siunertaq naatsumik allaaserineqassaaq, nalunaaqutaq aallarfik allanneqassaaq atsiorneqarlunilu tassa-lu angalanissaq akueralugu. Nakkutilliinermut allassimaffik pillugu innersuunneqarpoq ilanngussaq 1 (Kommunep aallaarsimaartaarfiini isumannaallisaanermut aalajangersak-kat).

Imm. 2

Angallat/umiatsiaaraq P-tut akuerisaanngitsoq atorneqartillugu angallammi umiatsiaaqqamilluunniit tulluuttut pigineqassapput:

- Qatserut tigummisagaq ataaseq
- Iputit marluk
- Aalisaat ataaseq
- Poortaq ikiueqqaarnermi atortussat ataaseq
- Poortaq ajornartorsiulernermi atortut ataaseq
- VHF radio atassuteqaataasartoq ataaseq
- Orsussaq sillimmat dunki ataaseq

Imm. 3

Aallaarsimaartarfimmi peqataasut tamarmik, angallammut, umiatsiaaqqamut annani-ummulluunniit ilaasussat puttaqutinik aatsunik angalaarneq tamaat atussapput.

Imm. 4

Angallammik/umiatsiaaqqamik P-tut akuerisaanngitsumik atorluni piniarnermi aalisar-nermilu peqataasut amerlanerpaaffigisinnaasaattut malittarisassaq malinneqartassaaq.



# QEQQATA KOMMUNIA

Ilinniartitaanermut immikkoortortaq  
Området for Uddannelse

---

## § 4. Aallaasit imassallu

Aallaasinut imassaanullu malittarisassat aallartoonernik pinaveersaartitsinissamik allatullu aallaasinut tunngasutigut aallaarsimaarnerup nalaani ajutoortoqannginnissaanik siunertaqarput kiisalu ilaasut aallaarsimaarnerup nalaani aqqaneq-marlunnik ukioqalereersimagunik aarlerinangitsumik aallaasinik passussisinnaaneq ilinniarsinnaassammassuk.

### Imm. 2

Aallaarsimaarfimmut aallaasinik nassartoqassatillugu, Qeqqata Kommunia suliffeqarfii attuummassuteqartut, atuarfiit inuusuttullu klubbiini pisortaat, inersimasumik nammineersinnaassusilimmik aallaasinullu tunngasunik ilisimasalimmik toqqaassaput. Aallaasinik ilisimasallip taassuma aallaasit assartuussinermi aallaarsimaarfimmi-innerlu tamakkerlugu akisussaaffigissavai. Siunertarisamut naleqqutissaaq taamatut toqqarneqartoq piniartuuppat/aalisartuuppat, aallaarsimanermini peqataasunut aallaasit passunneqartarnerinik piniarnermillu ilinniartitsinissaq suliassarai.

### Imm. 3

Peqataasussat ilaat aallaarsimaarfissamut aallaasisarnissamik kissaateqarpat, tamanna kissaateqartup suliffeqarfimmit aallaarfigisaata, atuarfiata ungdomsklubbiataluunniit pisortaannit **akuerineqassaaq**. Aallaarsimaarfimmut aallaammik nassataqarnia-raanni, tamanna peqataasussap allaganngorlugu qinnuteqaatigissavaa, angajoqqaatullu

Oqartussaassuseqartup /angajoqqaat sinnerlugit sernissuisup peqataasussap aallaarsimaarfimmi aallaasisarsinnaanera atuisinnaaneralu atsiorluni uppernarsassallugu akuersaarluni.



# QEQQATA KOMMUNIA

Ilinniartitaanermut immikkoortortaq

Området for Uddannelse

---

Imm. 4.

Sisimiut/Maniitsumiit (nuneqarfimmiit) aallaarsimaarfissamut aallannginnermi aallaasit akuerineqarsimasut tamarmik aallaarsimaarfimmuut nassarneqartussatut nalunaarsorneqassapput, aallaarsimaarfissamilu nakkutilliisussap aappaata atsiornermigut akuersissutigissallugit.

Imm. 5

Peqataasussat ilaat aallaasiminik nassarluni aallaarsimaarfissamut angallammik aallaarsimaarfissamut takkuppap, taakku aallaasinut tunngasunik ilisimasalittamit takuneqassapput, savequtaalu atappat magariinaqarpallu magariinaa aallaammit peerneqassallutik, immikkoortinneqarlutillu imassallu taskimut ikineqarlutik inaalinneqassapput.

Imm. 6

Aallaarsimaartarfimmuut apuunnermi aallaasinut tunngasunik ilisimasalittap aallaasit tamaasa sikaavimmuut paarnaartartumut ilissavai. Sikaavimmik paarnaartartumik peqanngippat, taava aallaasit tamarmik peqataasunit inornartumut toqqorlugit inaalinneqassapput savequtai tamaasa peerlugit.

Imm. 7

Immassat aallaasinit immikkoortillugit allami toqqorsimaneqassapput.

Imm. 8

Aallaaserinerit tamarmik sakkunut paasisimannittumik akisussaasutut nassuiaassissutigineqartassapput.



# QEQQATA KOMMUNIA

Hinniartitaanermut immikkoortortaq  
Området for Uddannelse

---

Imm. 9

Peqataasut aqqaneq-marluk inorlugit ukiullit aallaasinik tunineqassanngillat atu-  
isinneqaratilluunniit.

## § 5. Piniarnej aalisarnerlu

Angallammik/umiatsiaaqqamik piniariartoqarnerani aalisariartoqarneraniluunniit  
imaluunniit nunami piniariartoqartillugu minnerpaaffigut aallaarsimaarfissami  
pisortaq inersimasoq ataaseq ilaasassaaq.

Imm. 2

Angallammik/umiatsiaaqqamik P-tut akuerisaanngitsumik atorluni piniariarnermi  
aalisariarnermiluunniit § 3-mi aalajangersagaq atuutissaaq.

Imm. 3

Nunamut pisunnermi piniarniarnermiluunniit makku nassarnejartassapput:

- Poortaq ikiueqqaarnermi atortussat ataaseq
- Poortaq ajornartorsiulernermi atortut ataaseq
- VHF radio atassuteqaataasartoq ataaseq

Imm. 4

Aallartoortoqarsinnaanera pinngitsoorniarlugu aallaasit sioqqutsilluni immer-  
nejanngisaannassapput. Piniagaq aatsaat aallaanialeraanni  
aallaat immernejartassaaq.

## § 6. Saviit

Ukusartumik assigisaanilluunniit aallaarsimaarfimmut nassarnissaq iner-  
teqqutaanngilaq. Aaallaarsimaarfimmi savimmik atuinermi qajassuartumik nak-  
kutigisaasumillu atuisoqartassaaq.



# QEQQATA KOMMUNIA

Ilinniartitaanermut immikkoortortaq  
Området for Uddannelse

---

Imm. 2.

Savinnik naakkiaqattaarneq ajunaarnermik kinguneqarsinnaammat sukannersu-  
mik inerteqqutaavoq.

## § 7. Ikiueqqaarneq ikuallatumillu qatserineq

Aallaarsimaartarfimmi suliffeqarfinit attuumassutilinnit, atuarfinit inuusutullu  
klubbianniilluunniit peqataasut ilaat minnerpaamik ataaseq ikiueqqaarnermut  
pikkorissarnermik ingerlataqarsimassaaq.

Imm. 2

Ikiueqqaarnermi atortussat, qatserut ataaseq, uerlu qamitsissutissiaq ataaseq  
pigineqassapput aallaarsimaartarfiup Assaqquttap/Ikkamiullu illuutaani ukunani:

- Illu ataatsimoorfik B-80
- Niivertorutsip illua B-86
- Oqaluffik B-122
- Aallaarsimaartarfimmiit Ikkamiuni B-74

Imm. 3

Aallaarsimaartarfimmi suliffeqarfinit attuumassutilinnit, atuarfinit inuusutullu  
klubbianniilluunniit peqataasut innermik qamitseqqaarniarneq  
pikkorissarfigereersimassavaat.

## § 8. Ikummatissat ikumatitsinerillu

Ikummatissat isumannaatsumik inimilu paarnaqqasumi toqqortarineqassapput,  
Inimilu toqqorsivigisami qatserummik qajuusaasanik imalimmik peqassalluni.

Imm. 2

Innermik ikumatitsinermi uku ilanngullugit: gassitortut, ikumasartut taamaallaat  
inersimasumik nakkutiginnittoqarpata ikumateqqusaapput.





# QEQQATA KOMMUNIA

Ilinniartitaanermut immikkoortortaq  
Området for Uddannelse

---

Imm. 3

Innermik ikumatitsinermi uku ilanngullugit: ikumasartut, nunami/silami ikumatitsinerit taamaallaat inersimasumik nakkutiginnittoqarpata ikumateqqusaapput.

Imm. 4

Aallaarsimaartarfiup illuutaasa iluini taakkulu silataanni imeq qalattoq inersimasumik nakkutigineqassaaq.

## § 9. Ataatsimoorluni sinittarfiit

Niviarsiaqqanut nukappiaqqanullu ataatsimoorluni sinittarfiit immikkoortinneqarsimassapput.

## § 10. Attaveqaatinik atuineq

Isumannaallisaaneq siunertaralugu aallaarsimaarfissamut tamatigut nassarneqartassapput makku:

- Iridium qaammataasakkut oqarasuaat ataaseq, taamaallaat ajornartorsiulivinnermi atorneqartussaq
- VHF atorlugu atassuteqaataasartog tigungmiartagaq ataaseq atorneqartassaq lejrskoleqarfik ungavarlugu angalaarnerni

## § 11. Aallaarsimaartarfimmi atorfillit

Allaarsimaartarfimmi minnerpaamik inersimasut pisortat marluk aammalu inersimasumik nammineersinnaassusilimmik, aallaasinullu tunngasunik ilisimasalimmik peqataasoqassaaq.

Imm. 2

Allaarsimaartarfimmi aallaarsimaartoqannginnerani pisortassat atsiorsimassavaat najoqqutassat atuarsimallugit paasisimallugillu uppersarlugu.



# QEQQATA KOMMUNIA

Ilinniartitaanermut immikkoortortaq  
Området for Uddannelse

---

## § 12. Meeqqanik pinerliisimanginnermut uppersaammik piniarneq

Inersimasut peqataasut tamarmik meeqqanik pinerlisimasuussanngillat.

stk. 2

Kommunip suliffeqarfiutaata, atuarfiup inuusuttunut klubbip imaluunniit timer-soqatigiiffiit lejrskolemi peqataasussanut inersimasunut tamanut meeqqanik pinerliisimanginnermut uppersaammik pissarsinissaq isumagissavaat.

stk. 3

Meeqqanik pinerliisimanginnermut uppersaammik tunniussimatinnani, inersimasut peqataasut tamarmik lejrskolemi peqataasinnaanngillat.

## § 13. Unioqutitsineq

§ 4-mik § 8-millu unioqutitsineq ingerlaannartumik aallaarsimaartarfimmiit peersitsinermik/angerlartitsinermik kinguneqassaaq. Peersitsinermit /angerlartitsinermit peqataasumut angajoqqaat/angajoqqaallu sinnerlugit sernissuisussat assartuussinnermut aningaasartuutit akilissavaat.

Imm. 2

Aalajangersakkani allanik sinnerinik unioqutitsineq aallaarsimaartarfimmiit peersitsinermik/angerlartitsinermik kinguneqarsinnaavoq. Peersitsinermit/angerlartitsinermit peqataasumut angajoqqaat/ angajoqqaallu sinnerlugit sernissuisussat assartuussinnermut aningaasartuutit akilissavaat.

*Najoqqutassat Ilinniartitaanermut Kulturimut Sunngiffimmullu  
Ataatsimiititaliamit akuerineqarput:*

Ulloq 22. nove,mber 2010

Søren Alaufesen  
Siulittaasoq

Axel Lund Olsen  
Ilinniartitaanermut pisortaq